

四庫全書

史部

欽定四庫全書

史部

詞林典故 御製詩 目錄
卷一

詳校官編修_臣曹振鏞

編修_臣程嘉謨覆勘

總校官編修_臣王燕緒

校對官待詔_臣胡士震

謄錄監生_臣王志遠

御製詞林典故序

詞林典故書成大學士張廷玉等以序請朕惟六經之士
豈易言哉而況躋玉堂而列芸署者盡六經之彥也
木天故事歷代沿革具見於斯則又何言惟是國家重
館閣之選極優遇之隆詎止蜚其英聲將以華國而已
哉如瀛溪所謂文以載道者舍是無他求夫布衣韋帶
之士由立言以期不朽足矣若夫國家右文重道將以
淑世熙績繼往聖之絕學開萬世之太平胥是賴焉名

之盛者實難副任之大者責彌重譽之來者毀亦隨其
尚思春華秋實之喻而凜虛車麟楨之譏哉

乾隆戊辰孟春御筆

書詞林典故序畢因以賜大學士張廷玉兼成四絕句

儘有研京並練都導言何用但吹竽便將翰苑登瀛譜
喚作卿家世系圖

日影花甌鈴索靜春風芸署牓題雙寶山自古稱佳話
事業何人繼曲江

韻集燕公四十賢

劉昭禹云五言律如四十箇賢人

晨星數罷一悽然

朕幸翰苑賡吟者如大學士鄂爾泰尚書張照輩不數年皆物故矣

即看辟府裒成帙重

憶柯亭劉井邊

見說房公獨善謀
皤皤長領鳳池頭
更兼兩世桓榮席
誰不云然勝一籌

三希堂御筆

欽定四庫全書

史部十二

詞林典故

職官類一官制之屬

提要

臣等謹案詞林典故八卷乾隆九年重修翰

林院落成

聖駕臨幸

賜宴賦詩因

命掌院學士鄂爾泰張廷玉等纂是書乾隆十二

年告成奏

進

御製序文刊行凡八門一曰

臨幸盛典二曰官制三曰職掌四曰恩遇五曰藝文六曰儀式七曰廨署八曰題名

臨幸盛典即述乾隆甲子燕飲賡歌諸禮以為是書所緣起故并冕子前官制職掌皆由西漢以至

國朝以待詔之選寫書之官皆自漢肇其端也
思遇則斷自唐代以專官自唐始也於

列聖及我

皇上寵渥之典別分優眷遷擢侍宴賚予詞科考
試議叙贈卹八子目著

聖代右文遠逾前古也藝文惟收唐以來御製及
應制諸作而詞館倡和不與焉美不勝收也
儀式廨署亦皆斷自唐代與思遇門同例題

名則惟載

國朝近有徵而遠難詳也考翰林有志自唐李肇始洪遵輯而錄之凡十一家然皆雜記之類也其分條列目彙為一編者自程俱麟臺故事始陳騭以下作者相仍然皆僅記一代之事朱彞尊作瀛洲道古錄又於

今制弗詳故張廷玉等進書表稱槐廳芸署不少前聞劉井柯亭獨饒故事但紀載非無散

見而薈萃罕有全書今仰稟

聖裁始成巨帙元元本本上下二千載始末釐然
稽古崇儒之盛洵前代之所未有矣乾隆四
十六年十二月恭校上

總纂官

臣紀昀臣陸錫熊臣孫士毅

總校官臣陸費墀

鑒講起居注官係親筆書寫部書仍無筆翰事奉伯五級臣張廷玉等奉

勅修輯詞林典故告竣恭呈

審覽臣等謹奉

表恭

進者伏以

景運啟圖書丕煥奎躔之色

宏模垂琬琰永增冊府之光

羅中祕之傳聞瑤編絢日

志仙曹之法守錦帙霏霞藜照同輝芸香倍馥臣等
誠惶誠恐稽首頓首上言竊惟翰林逼華蓋古號
清班學士登瀛洲世稱榮選爵秩叙興於唐代官
制漸備於歷朝雖沿革互有不同而職業總歸一
致蓋鑾坡侍從實為顧問所資而龍禁追趨與有
論思之責非直摛華拔藻誇柔翰於儒林傍日瞻
雲侈榮階於內相而已歷考右文之代典學常勤
惟茲珥筆之官加恩勿替青綾翠錦自昔艷為美

談蓮炬花墩至今傳為佳話是以槐廳芸署不少
前聞劉井柯亭獨饒故事但紀載非無散見而蒼
萃罕有全書茲蓋伏遇

皇帝陛下

舜德重華

堯文光被

建中和之極玉振金聲

攬制作之全星陳雲爛時值

萬幾之暇

賜幸玉堂遂令百世之榮騰聲辟府猶以官曹舊設宜
討論其源流載籍紛歧應蒐羅其事實爰奉纂修
之

命輯成典故之書起例發凡由

國朝以上推往代條分縷析自官制而下及題名繫以
職司知紀言之有要稽其姓氏見入選之為榮統
以八門釐為八卷況乃

鸞旂寵賁

鳳藻高騫榮施卓冠於成編

盛典彌超於往牒由今視昔諒千秋運會之難逢伊
古來茲信此日文明之極盛雲翔閭苑

恩溢瀛波臣等學愧雕蟲才慙繡虎八軌道上忝侍游
歌五色雲中恭瞻

翰藻幸編摹之有屬思報稱以逾難擬在官而言官懼
隸事而遺事無如見聞固陋學殖荒蕪既識記之

不詳亦鋪揚之未盡伏願

乾坤度量寬挂漏之疎

雲漢光華增簡端之重則昭垂藝苑彌珍李肇之編

傳播詞垣可補陳騷之錄矣

臣等無任瞻

天仰

聖激切屏營之至謹奉

表隨

進以

聞

乾隆十二年十二月初四日

鑾儀衛掌儀司學士吏部尚書總管翰林院事等伯加五級

臣張廷玉

經筵講官刑部尚書教習庶吉士加二級紀錄四次

臣汪由敦

兵部左侍郎加二級紀錄一次

臣王會汾

內閣學士兼禮部侍郎紀錄三次

臣劉綸

分修官

詹事府少詹事今陞禮部右侍郎加一級紀錄三次

臣

沈德潛

原任日講起居注官侍讀學士加二級紀錄四次

臣

于振

侍

讀

學

士

臣

程景伊

日講起居注官侍講學士加一級

臣

周長發

日講起居注官左春坊左中允今陞侍講加二級

臣

于敏中

日講起居注官左春坊左諭德兼佐領

臣

興泰

原任編修加一級紀錄六次

臣

張映斗

編修加一級紀錄三次朱荃

檢討加三級紀錄五次郭肇鑽

編修加二級紀錄五次錢琦

編修紀錄三次吳嗣富

編修加一級孫人龍

編修邵齊燾

武英殿監造

內務府南苑郎中兼佐領加七級紀錄二十一次臣雅爾岱

內務府錢糧衙門郎中兼佐領加六級紀錄十六次臣永保

內務府錢糧衙門員外郎兼佐領加一級紀錄五次臣永忠

內務府廣儲司員外郎臣永泰

內務府廣儲司司庫加一級紀錄五次臣三格

監造加一級臣李保

監造加二級臣姚文彬

庫掌臣虎什泰

庫掌臣高永仁

欽定四庫全書

詞林典故目錄

卷一

臨幸盛典

卷二

官制

卷三

職掌

卷四

恩遇

卷五

藝文

卷六上

儀式

卷六下

廨署

卷七

題名上

卷八

題名下

欽定四庫全書

詞林典故卷一

臨幸盛典

我

國家誕受

天命百年於茲

列聖重光德化翔洽

皇上紹膺大寶文治昌明崇禮官考制度麟麟炳炳與

唐虞三代婉隆矣歲甲子

親臨院署隆儀茂典徧及儒林往牒所傳罕有倫比維

時

臣

鄂爾泰

臣

張廷玉實掌院事恭逢

大禮慶成頓首入謝伏念翰林地望清華古稱榮遇
累朝掌故宜有完書雖在唐有李肇翰林志韋執
誼翰林故事在宋有蘇易簡續翰林志陳騷館閣
錄在明有黃佐翰林記諸家撰述各著於時然或
專載一朝未晰端委且從來見聞所及盛事美談

至我

朝為尤備因請裒集成編以揚庥光而表鴻懿

溫旨允行臣等退而敬率同官甄綜故實分類排纂曰
臨幸盛典曰官制曰職掌曰恩遇曰藝文曰儀式曰解
署曰題名統著之曰詞林典故為卷凡八釐次以
進惟是

聖駕俯臨宜歸恩遇而特詳書典禮冠諸簡端者一以
誌古今未有之殊榮一以紀修輯茲編之緣起皆

於是乎在云

乾隆八年冬

上以翰林院署歲久傾圯

詔頒太府金重加修葺

命戶部尚書

臣

海望工部尚書

臣

哈達哈戶部侍郎

臣

三和董其役越歲迄工若門若堂若廳若亭若垣

黜陟丹雘嚴翼崇閎九年十月

御書稽古論思集賢清秘二額顏其堂並

賜古今圖書集成一部貯寶善亭

勅所司諏吉日送掌院大學士進院

上親臨錫宴先期禮臣具儀注以聞二十七日庚午大
昕

車駕出長安左門設鹵簿掌院大學士及翰林官俱綵
服集院門外跪迎

乘輿大臣奉引前導

車駕入詣

先師祠行禮有司預入設

御席於後堂中

寶座前南向設掌院大學士及分韻諸臣席於堂上其餘以次設於東西廊及左右階下俱東西向樂部陳中和韶樂於東西廊下陳中和清樂於東廊下陳丹陛大樂於敬一門之旁俱北向有頃中和韶樂作奏隆平之章

上御吉服升坐樂止丹陛大樂作奏慶平之章掌院大

學士率羣臣由左右閣道入至階下行禮如大朝
儀樂止羣臣詣坐次一叩首坐丹陛大樂作奏文
物京華盛之章

上進茶羣臣就坐次一叩首樂止侍衛授羣臣茶行禮
如前飲畢亦如之尚膳移

御膳近前中和清樂作奏玉署延英之章

上進饌樂止承應上陳唐代十八學士登瀛洲故事有
司以饌分授各筵承應止乃撤尚膳復進

御宴席兼設羣臣宴掌儀奉臺盞及壺卮由中墀進丹
陛大樂作奏延閣雲濃之章羣臣俱起立掌儀進
至廊東西向立酌酒進爵大臣出班跪羣臣畢跪
掌儀以臺盞授進爵大臣恭進

御前復跪前所

上進酒進爵大臣一叩羣臣皆一叩進爵大臣起至

御前受臺盞下復跪掌儀跪接而退羣臣起立掌儀以

金卮酌酒立

賜進爵大臣進爵大臣一叩飲畢掌儀立取卮退進爵
大臣再叩興退樂止羣臣皆坐承應上陳唐代晦
日幸昆明池百官賦詩故事

上召大臣以次至

御前

賜酒咸跪飲一叩首退侍衛分授羣臣酒行禮如

賜茶時復坐承應止丹陛大樂作奏慶平之章大臣暨
羣臣起立趨階下謝宴行禮如初樂止中和韶樂

作奏顯平之章羣臣皆退儀部恭導

上至齋房更衣

駕出掌院大學士率羣臣於院門外跪送禮成方

讌之初設也扶桑旭日纔上觚稜沆瀣珠光猶盈仙

掌

皇上升黼座顧輔臣而言曰時當陽月和煦如春

天心忻洽朕與諸臣交慶之羣臣咸頓首稱賀奉

旨重葺翰林院落成車駕臨幸錫宴送大學士鄂爾泰

張廷玉進署以張說東壁圖書府五律字為韻賦
東字音字二首勅諸臣各分一字賦詩

上又念人數為字所限未能遍及從臣

命復賦柏梁體一篇

上首倡諸臣依次分韻俾凡籍翰林及既改官晉秩而
舊為翰林者皆與焉總百六十有五人當承應上

時

上舉十八學士登瀛洲事顧大學士臣爾泰臣廷玉曰

卿等無媿房杜顧朕弗逮唐太宗耳二臣惶恐避

席奏言

陛下上法堯舜過唐太宗遠甚臣等謗劣亦思孜孜日

贊少効交修之責然限於才力媿出房杜下有負

聖諭因頓首謝

上又因昆明池賦詩事諭羣臣曰翰林之職雖在文章

要貴因文見道爾諸臣當明體此意羣臣竦然敬

聽復頓首謝宴畢

賜樂善堂全集性理精義各一部及名茶文綺箋絹時

果有差羣臣趨出候

駕於河堤之東日未移晷尚書公

臣

訥親捧

御製七言長句四章宣示命和則

上又於更衣次所走筆立成者也羣臣跪誦於金和玉
節之中寓明良一德之旨相與驚歎以為天縱化
神從古帝王所未有

駕出欽承

天語戒諛崇實於末章深致意焉

御製得東字

撫序權居北占星壁在東斯干歌翰苑於樂鬯儒風改
殿當年異登瀛此日同三台司道筦二老亮天功樂具
卿雲奏筵開湛露融底希光舊史長此贊微躬

大學士伯臣鄂爾泰得壁字

稽古鑒冰淵集賢逮珠礫

清鑒一幸臨曲宴重申錫湛湛露零蕭煌煌雲拂翟聆

言發羣蒙望道生微的愧切亮天功感深維

帝績濡毫紀玉堂揆藻雕瓊壁

大學士伯臣張廷玉得圖字

卿雲籠玉署

黼座啟蘿圖甄影迎

天步金聲仰

聖謨

龍文成五采虎觀拜諸儒襄贊臣何有賡颺

帝曰俞宴歌魚在藻詩叶鳳鳴梧兩世桓榮席捫心感
愧俱

大學士臣福敏得書字

瀛海通仙島蓬萊近

帝居經營

命將作師濟集華裾吉日鳴

鑾輅彤雲麗玉除歌詩傳漢體揆藻邁唐初典以

絲綸重賢從棧樸儲皇哉

文治蔚金管不勝書

大學士臣陳世倌得府字

鳳沼構新模

金根臨秘府昭回斗極瞻

揆麗天葩吐署榜煥

宸章肆筵優上輔賡歌遇益隆式宴

恩尤溥芸館得師資綸扉慚步武瑤編盛事傳

泰運符三五

大學士

臣

史貽直得西字

延閣崇華構丹楹煥碧題五雲承

玉輦

六馭下金閨珠樹聞鸞囀梧岡有鳳棲
蒼黃漢詎擬飛白宋寧齊清漏因風遠餘香滿袖攜

皇儀儼升日鵲佇

御河西

禮部尚書

臣

任蘭枝得園字

蓬觀輝文棟儒風振禮園

輦臨承寵渥宴錫拜

恩蕃領署榮朝宰斯文仰

至尊翰林華蓋近仙榜紫雲騫地有儲材重庭霑緯露

繁侍

宸曾舊忝燕賀喜同倫

兵部尚書臣彭維新得翰字

玉河鰲柱凝冰署翬飛煥

法駕此經臨錄圖仰總貫晴暉麗廣欄

天藻瞻層漢褒袞鼎台榮飲和卿士衍陪遊殊北門稽
典軼東觀交勉抒丹誠寧徒濡紫翰

刑部尚書

臣

張

照得墨字

天祿成雲亭經郭闢香域知印重黃扉為龍下

紫極詞倚玉井蓮翰潑金壺墨

瑤札開日華文機効花織咸歌

元首康宜竭股肱力

臣

筆乏顏筋苔華辱鐫勒

工部尚書

臣

汪由敦得林字

瀛沼文章園蓬山道德林論思寅亮重著作職司

欽秘署新雲構

鑾輿賁日臨

仙毫揮禹篆

聖藻協虞琴列座霑霑澤分箋屬雅吟榮因稽古力賡

拜奉

徽箴

左都御史臣劉統勲得誦字

詞垣棟宇新

天筆龍鸞縱地接五雲多人仰三台共雍容

大駕臨左右元臣從賓筵周禮陳韻字唐賢用颺言到
衆僚紀事聽興誦允矣毓珪璋休哉興雅頌

吏部侍郎臣阿克敦得詩字

文樞雲際起彩仗日邊移

天什披瑤檢

恩波溢鳳池圖疇開聖統禮樂及昌期

寵錫夔龍佐文聯班馬詞持衡慙厥職珥筆憶當時燕

樂承

君貺同歌保定詩

戶部侍郎臣梁詩正得聞字

秘苑新芭茂清時洽軌文領才資碩輔優禮荷

明君燕酒周王藻鸞旂魯泮芹

題瞻重壁合韻許列仙分

帝曜輝丹地奎躔麗錦雯湘騰增故事

盛典越前聞

倉場侍郎

臣

彭樹葵得國字

冊府慶重新堂庶賡一德雍容侍從才鄭重清華
職龍禁燦星躔蘭臺依

斗極深嚴鳳來儀峻聳鳥斯草

綵仗鵠綦纚

薰歌垂麗則寧惟異數誇矢報期華國

兵部侍郎 臣 陳憲華得政字

西清文囿開東壁奎躔映孔彙煥離明來遊宣

巽命風華首

盛朝勸相美王政

龍畫燦璇題天漿挹斗柄槐廳湛露歌藜閣斯干詠三
爵秩宏儀千秋逢

主聖

刑部侍郎 臣 錢陳羣得講字

輪奐起奎垣螭鰲迎

御棒向榮柯發條濬脉井通港周孔會精神克湯齊背
項山輝玉韞烟川媚珠胎蚌顙俊重旁招論思資
坐講所希均化鑪俗厚銷爭訟

工部侍郎

臣

德

齡得易字

人文慶化成石渠煥新宅

聖日親降臨台星領仙籍弼諧襄禹謨幽贊研義易英
渡動金廂雲壘羅綺席

九重深念典寮采思無數湛湛露斯零柯亭森翠柏

工部侍郎臣呂熾得見字

文教首蓬瀛

鴻儀今創見鑿坡楹桷新瓊榜星雲絢廳樹颺龍旂亭

波涵雉扇欣瞻

日采臨特重珠衡眷雅韻發金聲華筵羅玉饌卿僚載

拜賡千古傳詞院

內閣學士臣宗室塞爾赫得天字

美煥瞻新署

溫綸錫九天

洪頤森羽衛清珮萃班聯仙榜雲霞爛

宸章日月懸馨承頒玉醴榮忝立花磚載頌逾三祝興
歌叶五絃昇平叨盛遇寧數撤金蓮

內閣學士臣德新得心字

省署森丹蘄鈞衡簡

帝心堂開紛積玉榜列燦垂金鐔珮儒臣集和鑾

聖主臨雕盤分

御饌

鴻藻譜瑤琴共聽薰風奏羣賡晨露吟承

恩重二老由豫盍冠簪

內閣學士

臣

秦蕙田得位字

垂裳邳治昌建極文思賁洵直叶風詩殊榮光鼎
位

義文緯壁輝

舜日金坡被沆瀣泛瑤卮韶咸諧鳳吹

恩涵劉井深化與瀛堦暨染翰職絳綸銘心拜

嘉賜

副都御史臣勵宗萬得竊字

帝籙運昌明詞林地清切丹青聿壯觀杞梓儼成列

光華雲日照

恩數古今絕韻許百僚分醴因元老設兩省歷追陪三

世重叨竊報稱夫如何低徊緬曩哲

通政使臣敷文得和字

翬翼占奎朗鸞鳴協景和盛儀班玉陛

清蹕駐鑾坡署迴金華爛池深魚藻多

鴻恩榮輔弼燕喜集簪珂清露詩堪比陽春節乍過小

臣司獻納大化詠菁莪

通政使臣張若靄得美字

華省葺初成鸞臺聽

輅聲九天瞻

黼黻六宮奏韶莖

露向毫端湛春從句裏生詩分燕國字禮重傳嚴羹

曠典光圖牒羣材萃

盛明

小臣

慚接武兩代沐

恩榮

大理寺卿

臣

嵩壽得重字

睿澤逮仙班元衡

恩禮重廣儲梁棟材曰惟舟楫用的皪八碑明深沈三

館共推誠遠邁唐題署還超宋欣觀

翠華來得叨簪筆從卷阿愧矢音願效王褒頌

詹事

臣

張鵬翀得恩字

仙禁新丹采龍墀賁紫軒百年文際盛二老德彌
惇讌樂隆儀備圖球

至教尊

璇題聯象緯

睿思蘊乾坤苑樹先春氣宮袍得酒痕

小臣

蒙

春渥分韻亦沾恩

太僕寺卿臣劉綸得叨字

蓬館迎

仙仗堯觴許共叨築堤延上相珥筆列詞曹鑾署覘

清切

龍章荷寵褒詩徵羣玉府樂譜八琅璈甄影移瑤席鑪

香覆纈袍願言銘

盛軌虞抃戴瀛鼇

僉都御史臣嵇璜得醉字

蘭臺望崇巖芸館職清秘宏規煥木天

御氣通丹地奎壁炳台衡雲霄紆

日轡

帝歌鳴鳳儀

宸筆翔鸞賁宴衍頌那居禮成歡既醉館規拓前編仙
籍資新記藹藹盼槐廳祥烟鬱深翠

少詹事臣裘曰修得酒字

瀛池儼跨虹蓬觀屹連斗麗日擁冠裳清風開戶
牖焜煌

璇榜書瀲灩雕筵酒道義光三辰縹緗羅二酉雍雍
趨末階穆穆瞻

聖后許

國有寸心相將期不朽

侍讀學士臣世臣得深字

熙朝文治洽

聖主右文深壁府圖書煥芸臺

法從臨羣仙賡雅什一德贊天謚玉醴盈堯箚金徽
叶舜琴叨榮逾往古勉學媿分陰忝竊無由報題
辭罄末忱

侍讀學士_臣于振得載字

紅泉耀星楣紫氣迎

仙隊藝苑慶遭逢

宸襟欣茂對堂深香穗凝檐聳行雲礙

寶墨煥晴霞璫漿浮碧瀼豈惟重鵷鷺良以優鼎鼐微

臣職

起居紀錄光前載

侍讀學士臣陳邦彥得歌字

桂苑宏規迴瀛洲

翠輦過

雙題日月麗

五字錦雲羅班坐開嘉讌分曹奏短歌禮從耆德重

恩被侍臣多遲暮依青鑠追陪振玉珂染毫賡喜起拜
手誦卷阿

侍讀學士

臣

涂逢震得春字

西山開秘苑甲觀敞重闔五緯奎文聚三階慶澤
新上公同授簡庶寮共垂紳牋為題詩擘

恩沾醉酒均

天香分玉案綺席錯花茵獻壽隨簪笏同賡億萬春

祭酒

臣

崔紀得興字

論道重三台崇儒臨

萬乘雕楹賀燕翔藻井文虹亘鎬宴酌金罍虞諧調玉
磬參差花影移紅縵雲祥應幸際代明良彌祈天
保定相將贊治機詎比吟春興

侍讀

臣

雙慶得曲字

蘭省駐

宸輿瓊筵徵雅曲絃瀛

聖化咸霖雨台臣屬秀綵結華輪雕甍迎瑞旭典墳政

所資德義心斯沃
梁水戢鴛鴦金臺羅駿驤登瀛
愧匪材敬業期深勗

侍講_臣觀保得情字

萬幾餘暇日芸署葺初成
葭管緹廬寂寒花

輦路榮光年甲子始舜樂應鐘
鳴良輔方聯鼎諸臣

共獻觥醕頌

天澤美壁映彩毫橫掌故傳鴻
典康哉洽

聖情

中允臣于敏中得竭宇

香浮白虎樽雲護蒼龍闕

明良際泰階

警蹕傳陽月班依

寶仗分勝啟

銀鈎揭

恩光浹鼎台

宸詠聯簪笏題標麗正詩盛紀蓬萊碣寵榮被詞臣勉

矢涓埃竭

中允臣董邦達得為字

梓材賁鄧林綺組縈金匱彩映上台星光分香案
吏和羹哀繡睽受爵簪裾萃奎斗麗飛甍雲烟籠
寶字仰思

聖主恩俯益愚臣愧古訓期服膺已人審所為

贊善臣宋楠得知字

玉祀傳

綸綍金門盛羽儀自天飛

翠蓋就日捧瑤卮論道敦耆舊敷言廣

訓辭風清鳩鵲觀人在鳳凰池

恩湛三霄露文慚五色絲

聖顏瞻有喜應許侍臣知

御製得音字

木天臨翠輦鵷侶集華簪廣學心常切因文道可尋橫
汾陰豈昔來泮水猶今禮樂於斯盛觥罍取次斟詩慚

得珍字辭喜獻官箴返轡重城暮猶聞歌誦音

御製

重開甲子文治昌

佐文贊治資賢良

大學士伯臣鄂爾泰以

聖繼

聖垂經常

大學士伯臣張廷玉

於赫

太上示清行

大學士臣福敏

繩武弼基繫我

皇

大學士臣陳世倌

四聰四目開明堂

大學士臣史貽直

野無遺賢始

悅康

禮部尚書
臣任蘭枝

梗楠杞梓松柏桑

兵部尚書
臣彭維新

珣玕

琪映璆琳瑯

刑部尚書
臣張照

從龍從虎雲風翔

工部尚書
臣汪

由葭徵玉管迨初陽

左都御史
臣劉統勳

集賢落成隆棟采

吏部侍郎
臣阿克敦

連延霽寮以輝煌

戶部侍郎
臣梁詩正

老槐蔽景

綠庭廊

倉場侍郎
臣彭樹葵

奪暑却寒溫又涼

兵部侍郎
臣王承堯

法

度既備丹雘彰

兵部侍郎
臣陳惠華

諄誨故老宜徜徉

刑部侍郎

臣錢陳羣

展也宴寢凝清香

工部侍郎
臣德齡

將作入奏報克

裏

工部侍郎
臣呂熾

帝曰朕其鴻厥慶

內閣學士臣宗室塞爾赫

來游來歌雅所臧

內閣學士

臣德新

況今二老民之望

內閣學士臣秦慈田

爰飛

神翰拂黼紉

副都御史臣勵宗萬

金壺墨瀋流淋浪

宗人府府丞臣任啓運

璇題雙賁日月光

通政使臣敷文

仙毫雄健擺礪礪

通政使臣

張若靄

筆勢一落千大強

大理寺卿臣嵩壽

勁力外爽神內

藏

詹事臣張鵬翀

點蹲芒玉磔廻岡

太僕寺卿臣劉綸

金薤倒披

貫柳魴

僉都御史臣嵇璜

鸞鶴交翥上銀潢

左通政臣張映辰

煙

雲舒卷難形相

右通政臣鄧時敏

榮光屬天莫可量

少詹事臣

襄曰 未許常侍擬登牀侍讀學士 飛白賜蘇讓美

芳侍讀學士 矧乃仙巢署蒼筤侍讀學士 吉日庚

午日之剛侍讀學士 遂移

天展下闔閭侍講學士 警蹕駭顧陞楫郎祭酒 龍鸞

和鈴鏗復鏘祭酒 揚金鑊而拖玉鑲四譯館少

雲罕俾倪導纓纓順天府府丞 葉葉秀文覆儀鎧

太僕寺少卿紛敷旖旎從風揚 鴻臚寺卿歷天梢

星耀日鉉光祿寺少卿 紫烟煜爚御道黃庶子 臣

實啟瑛

周資陳

瀛池儼立千駕騫

侍讀臣雙慶

金紫銀艾簪截肪

侍讀臣周

玉章

入門升階和以莊

侍講臣觀保

吉輝真氣溢圓方

侍講

臣雙頂

六章五采葱衡瑒

論德臣興泰

如天啟門日在房

洗馬臣李文鏡

馮翼孝德瞻顯印

候補洗馬臣陸宗楷

王多吉士咸

對敬

中允臣于敏中

尊師六拜謁

素王

中允臣董邦達

迴過劉井憩東廂

贊善臣宋楠

昌黎文伯社茲

鄉

司業臣鵠年

北門學士奠椒漿

司業臣陳世烈

編鐘鼗鼓韶

獲網

左參議臣薄海

崇牙樹羽虞趙趙

右參議臣吳應枚

高管噉

嘯龍耶凰

編修臣
阮學濤

象鳳翼笙班管長

編修臣
僧格勒

玫瑰

作柱朱絳張

編修臣
沈文鎬

翽翽繁會相低昂

檢討臣
鍾音

統

風停雲慨矣慄

編修臣
陸嘉穎

人聲諧律相和倡

編修臣
白瀛

分刊節度窮窈茫

編修臣
周煌

欣與人心犁然當

編修臣
路

斯鳥為拊翼魚闕防

檢討臣
德保

如軒張樂洞庭旁

編修臣

臣秦元臣稽首鳴珎璜

檢討臣
周長發

敬上千秋萬歲觴

編修臣
周正思于胥樂兮無怠荒

編修臣
柏謙

一獻百拜禮則

詳編修臣
張映斗朱虎熊羆與艾斯

編修臣
任端書

雖雖肅肅濟

濟蹌

編修臣林蒲封

炊金饌玉出禁坊

編修臣萬年茂

太清紅雲

員嶠霜

編修臣李龍官

翠濤醪醕醑醴醕醕

編修臣曹秀先

粃救蜜

餌有餒餒

檢討臣韓彥曾

猩唇旄約雋翠腳

檢討臣周禮

越駱

茵和陽樸薑

檢討臣郭肇鎔

江橋夢柚常山棠

編修臣錢琦

遠

方口實導擇將

編修臣董泰

鼎中變化尹對湯

編修臣宋邦綏

微纖精妙大官湘

編修臣姚廷佑

炙三弋五應未嘗

編修臣葉

酉

帝歌卿雲宮繞商

編修臣王居正

八伯咸進拜手颺

編修臣汪師韓韻

得燕公五字章

編修臣金相

聯吟更仿漢柏梁

編修臣孫人龍

式瞻

天藻萃圭璋

編修臣潘乙震

圓龍方虎排明璫

編修臣楊述曾

日星宵迴錦繡腸

編修臣徐景熹

薰風晨露相頡頏

編修臣湯大紳

燭

龍銜曜光四燭

檢討臣廖鴻章

衝波激岳聲蔣蔣

編修臣蔡揚宗

昭融至道若雨暘

編修臣王覺蓮

天光下濟濡茲芒

給事中臣鍾衡

五色秀華流戴匡

給事中臣程鍾彥

披條振藻六藝場

給事中臣楊二酉

風雷鼓舞物蒼蒼

給事中

中臣程盛修

錫勒琬琰傳膠庠

給事中臣王興吾

流播樂府諧

笙簧

給事中臣周祖榮

從臣才藝花發莒

給事中臣鄒一桂

駕駘

步武龍騰驤

給事中臣胡定

蓬萊望見風引檣

給事中臣馬宏琦

桃開鬱水滿磅礅

監察御史臣包祚永

聖涯游泳涵紘滄

監察

御史臣李清芳

祿不可即空傍徨

監察御史臣孫灝

乃知

天文元氣航

監察御史臣吳大煥

聖處不須一葦杭

監察御史臣張漢

雕蟲篆刻宜慚惶

監察御史臣馮

東仁

越玉五重厠匏瓠

監察御史臣范咸

分爨立仗老肅爽

監察御史
臣張孝程

泰華千仞登跛牂

監察御史
臣楊開鼎

學優得文

愧應瑒

監察御史
臣馮元欽

春蘭秋菊雜藏良

監察御史
臣歐堪善

風

松奚用引蜩蟬

監察御史
臣沈景澗

迫窘詰屈走踣僵

監察御史

臣沈

願歸夜讀發青箱

庶吉士
臣邵齊燾

畋獻二酉羅三

倉

庶吉士
臣賈光鼐

天棣石渠居就糧

庶吉士
臣凌鎬

易參肅弼

詩申萇

庶吉士
臣羅暹春

斟羹濟馘飫膏粱

庶吉士
臣田沆

研味

道腴棄粃糠

庶吉士
臣胡澤潢

博聞為饋貧之糧

庶吉士
臣王世

仕
學海萬里去鳴榔

庶吉士
臣王太岳

珊瑚結網麗鯨鱗

庶吉士
臣朱樞

寧甘決起搶榆枋

庶吉士
臣張泰開

不離省闈布

文彊

庶吉士
臣姚範

溫恭朝夕莫或遑

庶吉士
臣劉炳

煙霞浹濯

玉雪裝

庶吉士
臣孫廷槐

効愚千慮一贊勦

庶吉士
臣朱佩蓮

中

夜起舞不能忘

庶吉士
臣德保

聖人端拱垂衣裳

庶吉士
臣蔡時田

調和玉燭握珠囊

庶吉士
臣徐瑋

淳風沕穆恩滂洋

庶吉士
臣經聞

鈴轄不動矢直狼

庶吉士

王鉞化被萬國通狼荒

庶吉士
臣杜若拙

遠致赤虎來白麋

庶吉士
臣盛格

不但蠻狄與戎羌

庶吉士
臣顧汝修

皇仁旁宅風決決

庶吉士
臣戈岱

上天降豐歲其穰

庶吉士
臣劉錫齡

六氣無易盛德禳

庶吉士
臣閻循琦

十雨五風絕旱蝗

庶吉士
臣覺羅泰寬

引恬引養無胥戕

庶吉士

士臣惠元士

際茲休明敢不懷

庶吉士
臣金洪

旁招俊乂匪其

彭

庶吉士
臣蔣辰祥

渙羣元吉馬匹亡

庶吉士
臣叢中芷

橘徠服

兮甘在瓢

庶吉士
臣周孔從

素絲五絨風羔羊

庶吉士
臣王康佐

朝黻永無鷩味妨

庶吉士
臣廖芳蓮

泰交一德凜復隍

庶吉士

士臣陳桂洲

永膺

萬福儲千祥

庶吉士臣
熊為霖

天人和樂未渠央

庶吉士臣
黃遇隆

冬

日晏溫下紅牆

庶吉士臣
熊元龍

戛然清韻傳風篴

庶吉士臣

張日
譽

六龍迴跋搖鏤錫

庶吉士臣
陸樹本

拜送遙瞻豹尾槍

庶吉士
周人

騏

都人抃舞喜若狂

庶吉士
周燾

作歌賡拜追虞唐

庶吉

士臣程
景伊

不數橫汾與長楊

庶吉士
邱柱

蓼彼蕭斯零露

灋

庶吉士臣
陳大倫

恩深如海奚以償

庶吉士臣
出科聯

玉堂盛事垂無疆

庶吉士
臣儲麟

趾

御製是日復得詩四首并示諸臣

歡騰芸署小陽春
此日崇文引席珍
顧我慙為房杜主
豈伊獨數馬鄒臣
石渠典故應增舊
壁宿光華更覩新
影麗花磚爭到八
儘教沾醉酒三巡

瑞旭瞳矐靄扇鸞
筵開翰墨會衣冠
五車四庫從來紀
劉井柯亭取次看
玉版揮毫盈鳳沼
花瓷賜茗擘龍團
濟川自古資舟楫
便欲因尋學海濶

昌辰天祿集鵷聯欣詠斯千小雅篇鳥革翬飛躋君子
誦詩講易共高賢光凝黼座垂華藻篆繞猊爐散瑞烟
咫尺玉堂清切地底誇瀛島說登仙

百年禮樂慶昭融保泰常持惕若衷漫以新詩鳴豫大
誰將忠告贊欽崇傳巖夢賚應無藉唐室賡歌訝許同
心喜百僚知我意不將高議詡升中

御注按唐書張說倡封禪議帝召說與禮官學士置酒
集仙殿云云故其時諸臣詩中有高議待升中又將
陪玉檢泥之句夫以崇儒之雅舉隱遂滿盈之私志
非朕所取惟是兢兢業業與日俱長頌不如規我君

臣其共勉之

大學士

臣

鄂爾泰

臣

張廷玉等

奏伏惟

殊榮賁於冊府

睿藻輝煌

愜澤沛於詞林

恩華稠疊曠千秋而紀盛偕庶尹以騰懽欽惟

皇上

濬哲性成

欽明光被

接義軒堯舜之統

德乃日新

揆星雲河嶽之文

聖由天縱璿璣幹運際甲子之重開寶籙迎祥繼雍熙
之累洽丕煥右文之典用彰稽古之榮繫是詞垣
素稱清秩本崇政集賢之重地沿邇英麗正之遺

規模斷宜勤棟隆惟吉爰頌

翼命俾予鼎新藻井芝栢鬱虹梁之特起

璇題寶畫揭鳳榜以高懸亭號瀛洲真成方嶠地連華蓋名

稱玉堂屬廣廈之初成展鈎陳而夙駕

帝車紆軫光臨奎壁之垣日晷騰輝彩徹台階之次鵷

行雲擁屹

黼座以中開豹尾星陳啟瓊筵而肆設雲璈錦瑟聆廣

樂於鈞天翠釜金壘酌衢尊於丹地

摘章寵示韻分燕國之篇染翰聯吟製仿西京之體

金聲玉振集條理之大成乾端坤倪冠苞符而首出鐫
諸琬琰掩八伯之咸歌述考縹緲陋三侯之成咏

斯文極盛振古希聞

臣等幸邁

昌期叨塵秘省仰

王言之鄭重勉效論思誦

睿製以驚惶多慚寅亮戴

巍巍之至德莫申天保報上之忱思藹藹之吉人共志

卷阿來遊之盛寵深逾分感極難名凡茲與讌諸
臣共喜普沾

異數在昔纈袍蓮炬尚焜燿於曩編與夫玉署金鑾第
鋪張於往載豈如

今日覃被

恩施尋巢猶記鳳池同荷需雲之渥釋屨甫來芸館均
瞻復旦之華拜稽竊附於歌虞醉飽還逾於宴鎬
波添瀛海

恩重黿山惟當共贊夫休明冀以稍酬於

高厚所有感激微忱理合公同具疏恭

謝伏乞

聖鑒施行

臣等竊惟從古治朝必隆文學侍從之職漢時天

祿石渠承明金馬皆稱著作之庭唐開元中初置

翰林院歷代相沿其選益重而恩禮亦愈優前史

所傳莫可殫述謹按前代帝王臨幸詞苑自唐已

然至宋尤盛太宗雅尚文儒太平興國中御書飛
白玉堂之署賜學士蘇易簡行幸其苑古今以為
美談其後紹興淳熙間屢幸秘書省宴賚彌厚前
代永宣二朝幸文淵閣並至史館然考其時鑾坡
秘省皆在掖垣之內

國初

太宗文皇帝

世祖章皇帝屢幸內院披尋典墳諮訪治道而其時內三

院亦尚在

禁中夫以蘭臺芸館環拱於

紫微太乙之旁邇

天光而停

日御榮莫大焉若院署之在長安左門外者則臣僚公

解非敢望

乘輿之及也惟茲

景運方昇文明大啟棟隆既竣

玉趾親臨揚

葆佾於槐廳導鼓吹於鳳沼堯樽徧酌禹膳均頒樂
奏九成禮隆三爵倡薰風之

睿藻繼卷阿而矢音凡官翰林者既得鄰席賡颺載親
色笑而內閣學士_臣塞爾赫以宗室能詩

特命入三十八人之內尤盛事之可傳者堂哉皇哉自
載籍以來未有眷顧儒林普徧優渥若斯之隆者
也一時與宴諸臣鼓舞稱慶拜賜

闕廷其年適遇賓興皇華銜

命之臣道路傳聞咸有每懷靡及之慮都門人士顧瞻
玉堂如在天上而四方草澤汲古嗜學之儒且彈
冠色喜以為千載一時不可逢之嘉會也洵足以
示後世而垂無窮也已臣等編輯

盛典既成恭識數語於簡末雖於

聖天子振興文教崇儒勸學之盛心不足窺見萬一而

遭際

聖明道揚

盛美則竊有深幸焉謹跋



詞林典故卷一

欽定四庫全書

史部

詞林典故卷三

詳校官編修_臣曹振鏞

編修_臣程嘉謨覆勘

總校官編修_臣王燕緒

校對官待詔_臣胡士震

膳錄監生_臣鄒曾蔭

欽定四庫全書

詞林典故卷二

官制

附詹事府

翰林之名見於漢時未以署官特作賦者假喻於
文辭云爾唐翰林院初本儒臣文學供奉待詔之
所至開元中始設學士亦無定員皆以他官選充
宋元及明相沿代置品秩名數亦隨時不同唐翰
林學士外先有弘文集賢學士大學士宋資政觀

文天章龍圖之設則視乎唐明華蓋謹身文淵東閣之稱又視乎宋而明初左右春坊亦置大學士自成祖以翰林官直文淵閣故翰林以閣中為內署又與詹事互兼職業是以三署相通若夫唐之翰林學士或知制誥或不知制誥宋學士知制誥與中書舍人分為兩制者則自後晉始唐之講讀學士皆不繫翰林其繫以翰林者則自宋始宋之檢討編修史院及他司皆有之而翰林則無後獨

歸於翰林者則自明始至如唐宋官僚輕於翰林
明則庶子中贊為修撰編檢之遷階謂之開坊以
詹事為學士之晉秩謂之出院唐宋翰林乞郡出
外得以原官結銜明則改官不得帶帖唐宋校理
館職雖進士上第未即銓除必由記室幕僚仕於
州縣者召試而得明則鼎甲三人即授修撰編修
而庶吉士留院者便已授職唐宋應奉直院權直
之號至明盡除而有五經博士侍書之目與庶吉

士之選此其沿革之大凡古今之殊致矣魏晉以來置秘書中書著作江左唐宋具有其官唐設起居郎舍人史館領在門下宋則國史有院著作有局皆通於秘書省雖官異翰林而事實相近至明代官從併省統歸翰林講讀以上則同古之兩制侍從修撰而下則同古之秘書著作而史職繫焉自是翰林員品有定

皇朝敎官初以內閣翰林之職統於內三院歷經

聖神裁定內設殿閣大學士外設翰林院官制大備至詹
事春坊始亦議裁尋並復焉其與翰林院相通互
兼具垂令典因附著於篇

漢

漢武帝初徵賢良文學待詔金馬門

漢書

漢武帝建藏書之策置寫書之官

同上

漢置五經博士

同上

後漢

後漢東觀有校書之職選他官典校秘書撰述傳記

通典

後漢著作皆以他官領

同上

後漢光和元年置鴻都門學士

後漢書

後漢延熹二年始置秘書監一人

通志

按漢時翰林未有定職然後世翰林待詔博士學士之名已始於此翰林志云武帝時東馬嚴枚皆在左右亦其事也

魏

魏武帝置秘書令丞秘書郎

通典

魏文帝置中書令改秘書令為監

通志

按後世以入翰林為讀中秘書考漢藏書之所石渠石室延閣廣內則在外府蘭臺秘書及麒麟天祿則在內禁為御史中丞所掌劉向又言外有太常博士之藏而後漢圖書則在東觀魏改漢蘭臺令曰秘書又改中書至晉以中書統秘書武帝以

秘書借張華讀之所云讀中秘書者蓋引此為故實也

魏明帝青龍四年四月置崇文觀徵善屬文者以充之

三國志

晉

晉武帝以秘書并中書省

晉書

晉永平中復置秘書監其屬有丞有郎統著作省著

作郎一人又置著作佐郎八人

同上

東晉

東晉元帝建武元年十一月置史官

同上

宋

宋置秘書著作與晉同

通典

宋明帝泰始六年九月立總明觀徵學士以充之

宋書

齊

齊置秘書監丞郎著作佐郎員額悉如宋

齊書

梁

梁置中書省監令各一人秘書省監丞各一人郎四

人
文獻通考

按晉中書令管機務蓋宰相之任而秘書著作統
馬六朝唐宋沿之不改即明大學士統翰林院而
翰林所為入閣辦事亦仿於此

陳

陳承梁仍各設侍從文章制命典籍之職

古今圖書

集成

按典籍名始此

陳永定三年閏四月置西省學士

陳書

北魏

北魏太和十五年置左右史官

魏書

北魏置起居令史

文獻通考

按起居注始於漢時宋林駟云漢武有禁中起居

注東漢明德馬后撰明帝起居注本宮中女史之

任三國志注引漢獻帝起居注則近侍為之通典

云魏晉起居注著作郎掌之隋初以吏部散官及校書正字有著述才者領之唐高祖初溫大雅作勅業起居注於時亦未有專官自貞觀顯德間設郎舍人而起居注乃有定職

又按起居注或以為本古左右史而設然考之於書左史僅一見於楚之倚相一見於汲冢之戎夫而右史無聞焉蓋左右史本非周官即詩傳言衛武公左右置監史以自警特一時一人之事後世

傳之遂有記言記動之說而王藻乃著其文王藻
出漢儒亦止述所傳聞之辭未必古時專署其官
至五帝外紀稱蒼頡沮誦為左右史疑於荒遠惟
唐藝文志以穆天子傳為起居注之始體或然爾
北齊

北齊有起居省

文獻通考

北齊秘書省監丞各一人郎中四人校書郎十二人
正字四人又領著作省郎二人佐郎八人校書郎

二人

隋書

北周

北周有麟趾殿學士有外史

通典

按後以殿名加學士稱麟趾其權輿也

北周秘書監領著作監校書郎下士十二人著作上

士二人中士四人

同上

按周蘇綽以周官行官制故有外史上中下士之

目

隋

隋承周有麟趾殿學士

隋書

隋置秘書省監丞各一人郎四人校書郎十二人正

字四人錄事二人領著作太史二曹著作曹郎二

人佐郎八人校書郎正字各二人太史曹令丞各

二人

同上

按太史之名夏商時已有之若夏太史終古商太史高勢是也至周官四史內史掌八枋與公卿策

命及四方之事書則似後世尚書主章奏詔令之職外史掌四方之志三皇五帝之書則似後世御史中丞掌殿中圖籍之職小史掌邦國之志詔王忌諱則似後世管玉牒氏族世系名諱之職而太史曰官也掌建邦之六典與後世記載者皆絕不同若齊太史晉太史執簡而書殆為近似然考左傳國語國策世本等皆非當時史官所著即太史公亦自稱近於卜祝之間其所為著書亦祇自成

紀撰非奉職為之馬端臨以周四史列於史官亦但沿習其名耳自隋立太史局唐宋以來居史職者多稱太史至明時則凡翰林修撰等並稱太史馬

隋開皇十四年秘書省置主事令史

隋書

隋大業十一年增秘書省官百二十員以博士補之

玉海

唐

唐置門下省起居郎二人中書省起居舍人二人

唐書

唐置門下省校書郎二人中書省校書四人正字二

人

同上

唐置史館於門下省史館修撰四人

同上

百官志注天寶後他官兼史職者曰修撰初入為

直館元和六年登朝官領史職者為修撰未登朝

官皆為直館大中八年汰直館二人增修撰四人

按唐初令狐德棻請修近代之史遂命修撰修撰

之名始此

唐秘書省置監一人少監二人丞一人領著作局少

監為之貳

同上

百官志注龍朔二年改秘書省曰蘭臺監曰太史
少監曰侍郎丞曰大夫秘書郎曰蘭臺郎垂拱元
年又改曰麟臺太極元年復稱秘書省按唐秘書
省隸中書如晉制

唐秘書省秘書郎三人校書郎十人正字九人

同上

唐秘書省領著作局郎二人著作佐郎二人校書郎

二人正字二人

同上

百官志注龍朔元年改著作局曰司文局郎曰郎

中佐郎曰司文郎

唐置弘文館學士

同上

百官志注武德四年置修文館於門下省九年改

弘文館儀鳳中置詳正學士五品以上曰學士六

品以下曰直學士神龍元年改昭文館景龍二年

置大學士四人學士八人直學士十二人開元七年改曰弘文館置校書郎校理等官長慶三年罷詳正學士專以五品以上曰學士六品以下曰直學士未登朝為直館

唐置集賢院學士

同上

百官志注開元五年置乾元院使有判正官四人知書官八人六年更號麗正書院置詳檢官改修書官為麗正殿直學士八年加文學直又加修撰

校理刊正校勘官十三年改麗正書院為集賢書院有學士直學士宰相一人為學士知院事常侍一人為副知院事又置院判押院中使各一人玄宗嘗選耆儒日一人侍讀至是置集賢院侍講學士侍讀直學士增修撰校理待制留院知檢討與文學直之員至德二年置大學士貞元四年罷大學士八年罷校理置校書四人正字二人元和二年復置集賢校理罷校書正字四年集賢學士直

學士皆用五品以學士一人年高者判院事按檢
討之名始此

唐玄宗初設翰林院召文學儒臣待詔院中

翰林志

唐開元二十六年於翰林院置學士

同上

按翰林志太宗時召學士草詔然猶未有名號乾
封已後始號北門學士玄宗初置翰林待詔選朝
官入居供奉別旨開元二十六年始以翰林供奉
改稱學士其首為之者則張洎劉光謙也玄宗雖

改供奉為學士別建學士院於翰林院之南時猶未稱翰林學士至德宗以後翰林始兼學士之名是玄宗雖置學士而翰林學士之定稱則在永貞貞元時始矣

又按唐翰林學士本非專設以他官兼充之自中舍尚書郎拾遺補闕校書著作皆選任雖縣尉亦得召入供職李商隱白居易碑以藍屋尉召入是也又弘文館隸門下省集賢院隸中書省而翰林

獨無所隸其後又置東翰林院於金鑾殿故又有金鑾殿學士後人呼學士為鑾坡蓋以此

又按自揚雄有翰林主人之稱後世沿之晉李充論著翰林梁鍾嶸詩評稱郭璞為翰林詩首唐李邕稱翰林六絕蓋用以標文苑之目耳唐取此名院且以署官開元而後其職益重至宋時遂目為將相儲材之地云

唐翰林學士承旨

學士院記

按元稹記云舊制學士無承旨名憲宗始命鄭絪
為承旨翰林志云元和已後院長一人或密受顧
問獨召對敎居北壁之東閣號為承旨閣子

五代

後梁開平三年改思政殿為金鑾殿置大學士一員

文獻通考

後唐置翰林承旨一員

同上

後晉天福五年廢翰林學士尋復置

五代史

後晉開運元年詔翰林學士與中書舍人分為兩制

各置五員

文獻通考

按宋兩制之目由此五員續翰林志作六員蓋因
宋制言之似當以通考為正

宋

宋置起居郎舍人如唐制

文獻通考

按宋起居郎隸門下省起居舍人隸中書省號小
兩省官林駟至論云元豐官制行分郎與舍人為

左右時又稱左右史

宋秘書省監少監丞各一人其屬著作郎一人著作

佐郎二人秘書郎二人校書郎二人正字二人

宋史

宋置直秘閣

文獻通考

按宋初以史館昭文館集賢院為三館皆寓崇文
院中端拱元年詔就院之中堂建秘閣置直秘閣
以直館直院為之謂之館職以他官兼者謂之貼

職

宋置國史院監修一人以宰相為之修撰直館檢討

無常員

同上

按宋天聖間以宰相為提舉以三館秘閣校理為編修官元祐間復改隸門下省紹聖間歸秘書省又按宋之編修不止史院三司樞密院皆有編修官編修之名始此

宋承唐設翰林學士院置翰林學士承旨翰林學士知制誥直學士院翰林權直學士院權直

宋史

金史卷之二
卷二
按宋史承旨不常置以學士久次者為之凡他官入院未除學士謂之直院學士俱缺他官暫行文書謂之權直

又按通考唐之所謂翰林學士只取六學之人隨其官之崇卑入院者皆為學士其尊貴親遇者號稱內相可以朝夕召對參議政事或一遷而為宰相而其孤遠新進者或起自初階或元無出身至試令草麻制甚者或試以詩賦如試進士之法其

人皆呼學士自唐至五代皆然至宋則始定制資
淺者為直院暫行者為權直於是真為翰林學士
者職始顯貴可以比肩臺長舉武政路矣

宋咸平二年置翰林侍講學士翰林侍讀學士

同上

按宋經筵官其秩尊者為講讀學士品卑資淺則
為說書元豐官制行罷翰林講讀學士用侍從以
上官兼充

宋置樞密直學士

同上

按林駟至論云宋承唐制學士以六員為額其知制誥即治本院事其別領省府職任即不帶制誥如知通進銀臺司兼門下事則即唐給事中比也而隸直樞密院兼制誥即唐中書舍人之任也

宋置資政殿大學士

同上

宋置觀文殿大學士

同上

按宋資政觀文二大學士蓋特設以加寵宰相舊臣不為常置大抵如漢特進光祿大夫晉宋冗從

僕射奉朝請之比與明時典機務者不同而名差近焉

宋置殿閣學士殿曰資政端明等閣曰天章龍圖寶

文顯謨徽猷等皆設學士直學士待制

同上

按宋殿閣學士多為從官及外除者兼銜待制如唐待詔而官稍貴宋仁宗特開天章閣以待范仲淹諮訪政事待制之設始此而龍圖學士尤多有名若包拯龐籍孫覺祖無擇等皆嘗為之宋時稱

其官相謂為龍學云南渡後敷文煥章華文寶謨等閣設學士直學士待制一倣汴京舊制

遼

遼置門下省起居郎起居舍人知起居注

遼史

遼置國史院史館學士

同上

遼置翰林院翰林學士承旨翰林學士翰林祭酒

同上

按遼國語以文翰為林牙故翰林設都林牙又有北面林牙則掌契丹文字行於國中者南面林牙

則兼掌中國文字

遼置崇文館大學士宣政殿學士觀書殿學士乾文

閣學士昭文館直學士

同上

金

金置秘書省監少監丞秘書郎

金史

金置弘文院知院同知弘文院官

同上

金置國史院監修國史官編修檢閱官

古今圖書集

成

按遼金官制國史院皆有監修國史官蓋用唐故事以宰相兼領實非史院正官也

金置翰林學士院翰林學士承旨直學士翰林侍講學士侍讀學士翰林待制翰林修撰翰林應奉文

字

金史

按翰林修撰之名自金始

元

元置集賢院秘書監藝文監監書博士

元史

元置翰林兼國史院置學士承旨翰林學士侍講侍
讀學士直學士待制應奉翰林文字修撰編修檢
閱典籍經歷都事又設蒙古翰林院

同上

按元史百官志列朝官制置罷不一先後員額增
減不定其集賢院初併入翰林後則分設

明

明初置翰林院為正三品衙門設學士承旨學士侍
講學士侍讀學士直學士典簿待制修撰應奉編

修典籍檢閱等官

明會典

按明會典又有秘書監弘文館及起居注等官後皆不設黃佐翰林記洪武三年置校書郎等官九年罷之又云國初翰林有國史院院有編修官後不復設而以修撰編修檢討專為史官隸翰林院然史官皆預講讀講讀官亦預史官實不分職

明洪武十四年五月改翰林院為正五品衙門設學士一人侍講學士二人侍讀學士二人孔目一人

屬官侍講二人侍讀二人五經博士五人典籍二人侍書二人待詔六人史官修撰三人編修四人檢討四人草承旨直學士待制應奉檢閱典簿

翰林

林記

明洪武十八年三月定翰林院正官學士一人正五品侍讀學士侍講學士各二人從五品首領官孔目一人未入流屬官侍讀侍講各二人正六品五經博士五人正八品典籍二人從八品侍書二人

正九品待詔六人從九品史官修撰三人從六品
編修四人正七品檢討四人從七品

同上

按明永樂十九年南京翰林院惟設掌院學士一
員孔目一員

又按明初置五經博士人司一經永樂以後以孔
顏孟氏周程朱子之裔皆世襲五經博士而洪武
中所置之五經博士漸廢不復設矣又翰林記云
侍讀先侍講始於此蓋唐宋時侍講皆在侍讀之

上也

明洪武十八年三月又定華蓋殿武英殿文華殿文

淵閣東閣設大學士各一人

同上

明洪熙中添設謹身殿大學士

明會典

按永樂初命編修等官於文淵閣參預機務謂之內閣漸陞至學士諸職洪熙元年或加師保及尚書侍郎卿仍兼學士大學士銜自後因之稱內閣大學士凡大學士加三師則為一品加尚書二品

侍郎三品若未加陞而止係大學士者則仍正五品

明經筵官有知經筵事同知經筵事講官推舉皆出內閣又令本院及坊局官侍班久之選為展書官又自展書充月講官年深秩尊者充日講

翰林記

按明史故事率以翰林大僚直日講鮮及史官者至于慎行張位王家屏沈一貫陳于陞咸以史官得之異數也

明洪武中定翰林院為近侍清貴之職凡遷轉皆出

自上裁不付銓衡

同上

按明制翰林院遷官始自詹事府左右春坊司經局循至學士其轉則吏部尚書侍郎以至內閣不及他途然非九年考滿則纂修書籍名雖親擢實循資格也又翰林不由吏部選自唐宋已然

又按黃佐云本院官外擢皆升高位無有對品調者若洪武時王禕出為南康府同知賜金帶出自

親擢事體不同其降謫者不在此格也

明制非進士起家不得居翰林

天順實錄

按黃佐云洪武初本院官皆由薦舉進四年雖設進士科未有入翰林者今考進士入翰林自洪武十八年始至天順間遂定斯制云

明洪武十八年選進士為庶吉士

翰林記

按明既設進士科以諸進士未更事俾觀政於諸司其在本院承敕監等近侍衙門者採書庶常吉

士之義名庶吉士其在六部及諸司者則仍稱進士正統後始定庶吉士止入翰林凡庶吉士入翰林者選無定員

明制進士第一甲三人稱及第即授職修撰編修第二甲第一人第三甲第一人稱賜進士出身賜同進士出身皆授編修

國朝故事

按洪武十八年三月既殿試以第一甲丁顯等三人並為修撰至二十一年策進士以第一甲第一

人任亨泰為修撰第二人唐震第三人盧原質為編修自是遂為定式

又按永樂二年定庶吉士散館授職二甲除編修三甲除檢討

明英宗時選奇童及善書者充翰林院秀才

翰林記

皇朝

國初設文館於

盛京

太宗天聰十年三月改建內三院曰內國史院內秘書院

內弘文院

世祖順治元年三月增設三院學士各一員十一月定翰林院為正三品衙門晉學士秩正三品侍讀侍講學士正四品侍讀侍講正五品修撰從六品編修正七品檢討從七品裁博士侍書待詔二年三月定內三院為二品衙門四月令翰林官由內院補授閏六月裁翰林院以歸內三院定內三院大學

士二員為二品學士四員為三品侍讀六員為四品筆帖式三員為七品六年正月更定內院官制三院各設學士一員侍讀侍講學士各一員侍讀侍講各一員八年四月增設三院侍讀學士各三員裁侍讀各二員十年六月增設三院漢大學士各二員十五年七月裁內三院改三院大學士為殿閣大學士秩仍正五品置翰林院定掌院學士學士秩仍五品十六年五月設翰林院侍讀侍講

學士及侍讀侍講各三員十八年六月裁內閣翰林院復設內三院七月設內三院滿漢大學士各一員滿學士各二員漢軍漢學士各一員

聖祖康熙元年二月增設內三院侍讀學士各二員正四品侍讀各二員正五品八年七月裁三院滿學士各一員九年八月復改內三院為內閣置翰林院十月改三院大學士學士銜加殿閣大學士兼尚書學士掌院學士並兼禮部侍郎十二月設翰林

院侍讀侍講學士及侍讀侍講等官員品如順治十五年定制

世宗雍正三年十二月晉翰林院侍讀侍講學士秩從四品侍讀侍講從五品如順治元年定制

掌院學士

學士掌院事即承旨職也

國初設有專員

聖祖康熙二十八年五月

諭大學士翰林掌院一官職任緊要必文學淹通衆所推服者始克勝任凡翰林撰擬之文亦須掌院詳加刪潤然後成章聞明代大學士有兼管掌院之例大學士徐元文著兼管翰林院掌院學士事

謹按掌院以重臣兼領實起於此

講官

世祖順治十二年三月

諭內院朕惟自古帝王勤學圖治必舉經筵日講以資啟

沃今經筵已定於文華殿告成之日舉行日講深有裨益不宜刻緩爾等即選滿漢詞臣學問淹博者八員以原銜充講官侍朕左右以備諮詢

是年十一月

諭吏部日講官侍從禁庭朝夕進講國子監衙門較遠職任難兼如遇祭酒司業員缺不必以日講官推補

十四年九月設經筵講官滿漢各八員

是年十二月增設日講官十員

聖祖康熙九年置起居注館於

太和門西廊設滿記注官四員漢記注官八員俱以
日講官兼攝並設滿文主事一員漢文主事二員
漢軍主事一員滿文筆帖式滿漢文筆帖式漢軍
筆帖式各四員十二年增設滿記注官一員漢記
注官二員十六年增設滿記注官一員二十年增
設漢記注官八員三十八年七月裁起居注滿漢
主事各一員五十七年三月停起居注

世宗雍正元年四月復起居注官

詔曰自古帝王臨朝施政左史記言右史記動蓋欲使一舉動一出言之微無不可著為法則垂範百世也

皇考聖祖仁皇帝英年踐阼即設日講起居注官於詞臣中擇其才品優長者以原官充補鉅典茂昭度越前代誠為聖帝哲王之盛事

御極六十一年紹精一執中之統厲敬

天勤民之心文謨武烈經緯萬幾盛德日新大業鴻顯天

下臣民仰瞻至治不啻日月麗天江河行地莫不敬信
悅服記注之臣美不勝書

皇考聖祖仁皇帝謙德彌光聖不自聖惟恐史官或多溢
美之辭故康熙五十六年以後裁省記注祇令翰林五
員於理事時輪侍班行凡有重務要旨仍命內閣諸臣
記而存之意至周密也茲朕繼承大統夙夜兢業日昃
不遑思所以上繼

皇考功德之隆下致四海晏安之治顧惟涼德甚懼負荷

之難今御門聽政之初益當寅畏小心綜理庶事咸期
舉措允宜簪筆侍臣何可闕歟當酌復舊章於朕視朝
臨御

郊祀

壇

廟之時令滿漢講官各二人侍班不獨記載諭旨政務或
朕有一言之過一事之失皆必據實書諸簡策朕用以
自警冀寡悔尤庶幾凜淵冰之懷以致久安慎樞機之

動而圖長治其仍復日講起居注官如康熙五十六年以前故事

是年十一月定制日講官奉差以翰詹官列名請署停其開缺差滿代還

十二年七月增設起居注漢主事一員

皇上乾隆元年十二月增設滿日講官二員

謹按經筵滿講官以內閣學士掌院學士讀講學士詹事少詹事及尚書侍郎左都御史副都御史

通政使大理寺卿之曾任內閣學士掌院學士讀
講學士者列名漢講官以內閣學士掌院讀講學
士詹事少詹事祭酒及尚書侍郎左都御史等官
之由翰林陞任者列名以原銜補充康熙十六年
今滿洲小九卿之由翰林陞轉者亦得列名其日
講官則自掌院學士詹事以下坊局編檢以上皆
得充補

又按日講官侍直康熙九年初設記注定制滿漢

各一員雍正元年復設則令滿漢各二員侍直

翰林官內擢

世祖順治十一年三月令翰林官陞轉俱歸吏部十六年
二月吏部題補吏部右侍郎缺得

旨內閣既不設學士翰林官無缺可陞嗣後吏部侍郎缺
出著照禮部侍郎之例亦用翰林官補授

謹按吏部侍郎一兼學士銜一不兼學士銜故事
不兼學士銜者翰林官不得推補至是並予列名

聖祖康熙三十八年九月

命京堂員缺翰林官一體陞轉五十七年八月以左都御史蔡升元請復

命六部侍郎缺翰林官與京堂應陞者均列名請補

世宗雍正元年正月定制滿洲侍讀侍講諭德洗馬司業等缺用各部應陞一人翰林編修檢討一人分班遞補

謹按各部應陞亦以科目出身者推用

十年十月令翰林官陞轉派差將曾經記名褒獎
議敘及申飭訓誨處分之處繕單隨本以聞

翰林官外調

世祖順治十二年九月吏部議定正詹以布政使用支正
二品俸少詹以布政使用侍讀學士以按察使用
侍讀中允以參政用編修檢討以副使用

十六年九月令翰林官侍讀以下照科道例每年
外轉春季秋季各一員侍讀侍講以參政用修撰

以副使用編修檢討以參議用十八年九月奉

命停罷

聖祖康熙三十七年十二月副都御史吳涵以編修檢討人員陞遷壅滯疏請酌復變通編檢照李濤汪楫之例外補一二人講讀學士等照王士正徐潮顧藻王九齡之例以京堂各衙門調補一二人得

旨所奏極是朕已知之不必令部議也

謹按先是李濤汪楫丁廷樾並外用知府至是以

吳涵請復改劉涵為揚州府知府其調補京堂並
奉

明旨已見內擢中

三十九年四月令編修檢討等揀選科道奉

旨改授者馮雲驪湯右曾劉灝宋朝南彭始搏張瑗六人
謹按編檢授科道始此

世宗雍正元年十月

命大學士會同掌院教習秉公別擇學問優長字畫端楷

或精於繙譯者留衙門辦事及各館纂修或才具
練達可當科道吏部之選或長於吏治編檢可為
道府庶吉士可為州縣者分別具奏老病衰廢願
自解退者以原官休致行止不端事蹟確實者奏
聞革退

庶吉士散館

世祖順治初除授三院編檢外改授科道數人至十六年
散館則有仍留教習者十餘人外用者一人黜革

者一人十八年散館則有部用者十餘人嗣是歷科參用其制或中行評博或知縣即用或歸進士原班或用教職法為加備焉

謹按庶吉士改授科道歷科散館皆有之至康熙三十六年丁丑惟吳甫生江球二人自丁丑而下遂停其改授

庶吉士館選

國初本無定員

世祖順治九年七月

允科臣高幸允奏按直省大小取漢進士四十人直隸江南浙江各五人江西福建湖廣山東河南各四人山西陝西各二人廣東一人以二十人習

國書二十人習漢書其滿洲進士取四人蒙古進士二人漢軍進士四人一體讀書厥後選取各員因地因才遞有增減歷科沿之

世宗雍正三年四月

諭大學士九卿等曰前日李鍾義奏稱翰林為儲材重地
自康熙四十五年至六十年七科每省俱有庶吉士雍正
正元年癸卯科漢軍及河南四川進士無館選者雍正
二年甲辰科蒙古及山西河南陝西四川廣東湖南廣
西雲南貴州進士俱無館選者請廣儲才之路等語朕
即位之後以培養人材最重翰林故加意詳慎隆科多
曾奏稱

聖祖時館選每省俱有庶吉士所以朕於雍正元年癸卯

科館選時試其文義觀其人品於僻遠省分之人亦酌量選取又每諭教習之臣盡心訓迪迨後歷經揀擇及考試文章其中惟江浙人文義實較各省為優因將各省人員分用於內外各衙門而江浙人留館獨多雍正二年甲辰科館選亦詳加考試朕因以文義優者選為庶吉士於是山西河南等省進士遂多不得與選蓋翰林職司文章若以文義不及者處之則用違其才而其人或他長反無以自見矣朕凡於用人行政無不審

慎籌畫務求當理而選擇翰林更為留意實欲使人人
勿枉其才各効所長庶國家得收器使之效豈計及於
各省翰林之多寡有無也今覽李鍾我所奏是必外人
有此議論故以入告朕甚嘉之嗣後館選庶吉士或應
考試文義選取或應每省額選幾人或應分為南北兩
院向來教習止派滿漢各一員今若按省分各選庶吉
士或亦按省分各設教習可乎至各省未得館選之進
士中或有文義可充翰林之選者爾等確有所知即行

舉出毋使人有逸才之論尋議歷科館選之法盡善盡美更無遺逸之才李鍾我條奏無庸議從之

五年五月令進士殿試後復試論詔奏議詩各一篇先是進士殿試畢即待選庶吉士自順治丙戌迄康熙辛丑皆然雍正元年癸卯進士對策後復引試於

保和殿並令九卿各舉所知至是遂為定制時稱朝考焉

謹按雍正元年十二月復令本科進士十七人在各館効力及在內官學教習至三年四月授夏之芳姜穎新二人為編修黃岳牧陸宗楷二人為檢討雖未為著令亦掌故之足徵者

皇上乾隆十年乙丑選宗室達麟圖一人為庶吉士謹按定制宗室不應科目之選自雍正初建立宗學宗人子弟以時讀書其中自後五年一試取其文合格者

賜進士一體引對至是館選達麟圖與焉宗室入翰林
始此

改調館職

國朝崇尚文治館制修明自進士選除外復徵試詞
科並膺館秩事載

恩遇卷中其由他官改授者如郎中張允欽王士正中
書勵杜訥高士奇俱為翰林講讀給事中王原祁
為中允中書杜鎮魏學誠主事陳鼎恒知縣趙申

季教授王懋竑俱為編修御史陳學海為檢討左
通政錢以塏按察使趙殿最則授少詹事給事中
康五瑞則授侍讀學士而進士方苞之授中允主
事廖必琦之改庶吉士並稱曠典云

兼銜

聖祖康熙十年正月令提督四譯館太常寺少卿關防內
增鑄翰林院銜

世宗雍正四年十二月改直省學道為學院凡部曹奉差

督學加翰林院銜二甲進士編修三甲進士檢討
受代後仍還本任

皇朝會典

翰林院正官 滿漢掌院學士各一員

俱兼禮部侍郎銜

滿漢侍讀學士各三員 滿漢侍講學士各三員
滿漢侍讀各三員 滿漢侍講各三員 史官

修撰 編修 檢討

無定員

庶吉士

無定員

首領官 滿漢典簿各一員 滿漢孔目各一員

屬官 滿漢待詔各二員 滿筆帖式四十二員

漢軍筆帖式四員

五經博士十八員

謹按我

朝五經博士孔顏曾孟四姓外其仲氏言氏卜氏端木氏東野氏與宋張氏邵氏皆有之崇儒重道之典視前代為加渥矣

起居注館

日講起居注官

不專設以翰詹坊局官兼充雍正元年復設滿記注官六員漢記注

官十二員乾隆元年

滿漢主事二員

滿筆帖

增設滿記注官二員

式十四員 漢軍筆帖式二員

詹事府

漢

漢太子詹事有丞

漢書

按漢詹事位在大長秋上韓安國傳壺遂官至詹

事史記稱上大夫壺遂則詹事在漢為上大夫而

百官表不著其秩故宋劉敞作漢官班序圖遂以
詹事為無秩臣瓚注詹事引茂陵書以為真二千
石荀悅漢紀則云比二千石通典又以為真二千
石未知孰是

漢太子中允四百石

漢儀注

按中允始此漢百官表有中盾無中允中允特見
於漢官儀蓋即中盾也

後漢

後漢太子中庶子六百石太子庶子四百石太子洗

馬比六百石

後漢書

按後漢承西京其官官不得獨無詹事而百官志無之或史氏之缺庶子名見燕禮及燕義中洗馬名最古本吳越春秋勾踐身為夫差洗馬漢取此名官而中庶子本秦官漢仍用之劉敞班序圖庶子洗馬秩最卑位列縣丞尉羽林郎上

晉

晉置詹事丞一人中庶子四人庶子四人洗馬八人

晉書

宋

宋置太子詹事一人丞一人中庶子四人庶子四人

洗馬八人

宋書

齊

齊置太子詹事府丞一人太子中庶子太子洗馬各

一人

南齊書

梁

梁為太子置詹事

古今圖書集成

按隋書百官志梁太子詹事視中護軍中庶子四人庶子四人典經局洗馬八人

陳

陳承梁置太子詹事

文獻通考

按隋書百官志陳承梁官制太子詹事中二千石太子中庶子二千石庶子洗馬六百石詹事品第

三中庶子品第四庶子品第五洗馬品第六梁陳
二史皆無志故魏徵作隋史採二代之制而兼補
之

北魏

北魏太平真君五年選諸良吏給事東宮

北魏書

北齊

北齊為太子置詹事左右衛率典書坊各率其屬

古

今圖書集成

按隋書百官志後齊官制多循後魏有詹事丞功曹主簿錄事員左右衛二坊各置司馬

北周

北周置太子宮正宮尹

通典

隋

隋置詹事門下坊置左右庶子二人典書坊右庶子

二人

文獻通考

按凡詹事府坊局之稱皆自南北朝始至唐乃改

典經局曰司經而左右春坊相沿不改

唐

唐置詹事府太子詹事一人少詹事一人主簿一人
錄事二人左春坊左庶子二人中允二人左諭德
一人左贊善大夫五人司經局洗馬五人右春坊
右庶子下皆如左春坊

唐書

按唐左右春坊蓋承魏齊二坊之設而為之名然
考梁徐摛為太子宮官文體既別春坊皆效之則

春坊固不始於唐矣又北周王褒皇太子歲春宮
養德秋坊通夢似古東宮官屬春坊外又有秋坊
者或門下二坊初設以春秋分名之歟

宋

宋置太子詹事太子左庶子右庶子左諭德右諭德

宋史

按宋史百官志云舊制不常設儲闈之建隨宜制
官以備寮案多以他官兼領

金

金制東宮設詹事諭德以下皆為僚屬

古今圖書集

成

元

元立詹事院置左右詹事各一員副詹事詹事丞院

判各二員左右諭德左右贊善各一員庶子中允

各一員

元史

明

明洪武初建大本堂延名儒教太子親王後設東宮
官屬有同知詹事院事副詹事等官以勲舊大臣
兼之二十四年七月改院為府其堂上官與本院

官互兼職事

翰林記

明詹事府官

正官 詹事一員 少詹事二員 府丞二員

首領官 主簿一員 錄事二員 屬官 通事

舍人二員

坊官

左右春坊大學士各一員 庶子各一員 諭德

各一員 中允各二員 贊善各二員 司直郎

各二員 清紀郎各一員 司諫各一員

局官

司經局洗馬二員 校書二員 正字二員

按古東宮官屬詹事外有太子太傅少傅太子率
更令等二傅職輔導率更職防衛而詹事主統治

內外各率其屬以供事焉太傅少傅惟兩漢為專
官即諸侯王傳亦然魏晉以下則皆他官兼之至
明設太子三師三少特為大臣加寵秩而已且自
唐以後率更亦廢惟詹事獨存考之漢百官表詹
事掌皇后太子家則又不獨為宮官若與大長秋
相表裏大長秋皇后屬卿也明代尤重詹事號為
宮相實非三師三少之比蓋春坊諭德贊善等則
古二傅之屬洗馬則古率更令之屬

又按明洪武十五年置左右春坊大學士至景泰三年商輅彭時劉儼等皆嘗為之後復停罷

又按明會典南京詹事府不設堂上官止設主簿一員

皇朝

世祖順治元年置詹事府以少詹事一人掌府事其年十一月

詔裁府署職掌統於內三院九年四月復置詹事府設詹

事一員少詹事二員主簿一員錄事二員通事舍
人二員置左右春坊設庶子各一員諭德各一員
中允各二員贊善各二員司經局設洗馬一員正
字二員俱令內三院官兼之時以府署止設漢員
因專設滿詹事一員掌管府事而司其印信其兼
銜與漢官同十五年五月裁詹事府

聖祖康熙十四年十一月奉

詔復置定滿漢詹事各一員少詹事各二員主簿各一員

錄事正字各二員左右春坊庶子各二員諭德各
二員左右中允各四員贊善各四員司經局洗馬
各一員三十七年十二月裁滿少詹事一員諭德
中允贊善各一員正字錄事各二員三十八年七
月裁漢中允贊善各一員正字錄事各一員五十
二年閏五月裁漢諭德一員漢中允贊善各一員
錄事一員

皇朝會典

詹事府正官 滿漢詹事各一員

漢詹事兼翰林院侍讀學士銜

滿少詹事一員 漢少詹事二員

兼翰林院侍講學士銜

首領官 滿漢主簿各一員

左春坊 滿漢左庶子各一員

漢左庶子兼翰林院侍讀銜

滿漢左諭德各一員

漢諭德兼翰林院修撰銜

滿漢左中允

各一員

漢中允兼翰林院編修銜

滿漢左贊善各一員

漢贊善兼

翰林院檢討銜

右春坊 滿漢右庶子各一員

漢右庶子兼翰林院侍講銜

滿漢右中允各一員 滿漢右贊善各一員

魚衛
同左

司經局 滿漢洗馬各一員

漢洗馬兼翰林院修撰銜

屬官 漢正字一員 府坊局筆帖式六員

詞林典故卷二